

Sunday, June 21, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



FATHERS' DAY

Health Minister Pi Lalrinpuiin Pate chu chhungkaw dintu leh inngahna an ni tih a sawi a, vawiin Pate Ni Chibai a buk bawk.

Social Media kaltlanga thuchhuah a siamah Pi Lalrinpuii chuan, Pate chu fate tan rahbi sial saktu leh kaihruaitu an ni a ti a, Pate mawhphurhna chu eng thil mahin a khum tak tak thei ngai lo ang, tih sawiin, Pate chawimawi nachang hre zel turin mipui a fuih bawk.

Pate Ni hi The Salvation Army, India Eastern Territory chhunga Corps leh Society-ten an hmang a. Fathers Day pual hian chawhma Thianghlimna Inkhawm bakah zan Chhandamna Inkhawmah he ni pual hian inkhawm buatsaih a ni dawn a, pate ni pual chanvo hrang hrangte neiin Corps thenkhat chuan Pa inkhawmte hnenah thilpek an pe a, Corps thenkhat chuan pa inkhawm thei lote hnenah thilpek an sem kual bawk a ni.



DISABILITY DAY

Presbyterian Kohhran Mizoram Synod hnuaiia tualchhung kohhran hrang hrangte chuan vawiin hian 'Rualbanlote Ni' an hmang.

Chawhnu inkhawmah "Rualbanlote chanvo tha siamsak" tih thupui ngaihthlak a ni a, kohhran Zaipawl ten hla remin zan inkhawmah kohhran thenkhat chuan hla an rem leh bawk ang. Mizoram Person with Disability (PwD) Commissioner Pi Vanlaldiki Sailo chuan, Rualbanlote humhalhna dan (The Rights of Persons with Disabilities Act, 2016) chuan Rualbanlote a humhalh tha hle a ti a, he dan hnuaiiah hian rualbanlote tan Sorkar hna za zela 4 aia tlem lo a hauhsak tih sawiin, zirna in a lut turte tan za zela 5 hauhsak an ni bawk a. An rualban lohna avangin zirna in sang College, University-ah te pawh quota an tan hauhsak a ni, a ti.

Pi Vanlaldiki Sailo chuan, Khawi hmun pawh Rualbanlo te'n an thlen theih na'n siam vek tur a ni a ti a, Wheelchair hmangte tan awlsam taka an thlen ve theih nan daltu step leh a dangte tihbo a, an thlen ve theih na'n daltu leh harsatna awm thei te sut kiansak a pawimawh hle tih a sawi bawk.

Mizoramah kum 2011 chhiarpui khan rualbanlo 15,160 an awm a, an zinga 7,800 chauhin Rualbanlo UDID Card an nei a, hamthatna chi hrang hrang dawng turin UDID hi neih ngei a ngai a ni.

Tun dinhmunah Mizoramah Rualbanlo sorkar hna thawk 106 an awm mek a, hengte hi Group A atanga Group D an ni.



SVANIDHI MAHOTSAV

Nimin khan Urban Development & Poverty Alleviation (UD&PA) Department, Khawzawl district leh Food & Drugs Administration, Directorate of Health Services tangkawp buatsaih SVANidhi Mahotsav Programme ,Zuchhip YMA Hall-ah hman a ni.

He hunah hian Food Safety and Standards Authority of India (FSSAI)-in training petu tura a thlan Professor Dr. Deborshi De hoin FOSTAC (Food Safety Training and Certificate) ei leh in siam leh pek chhuah te, ei leh in tur hrisel, thianghlim leh him chungchang inzirtirna hun hman a ni. Pi Mimi Lalringheti CMM, DAY-NULM-in SVANidhi Mahotsav sawifiahna hun hmangin Pi Lalrinkimi Pachuau, Designated Officer, Food & Drugs Administration, Mizoram dan hnuaiiah thianghlim taka ei siam a pawimawh thu leh ei siam thianghlim tawh loh avanga mipuiin an tawrh theih dan te, a siamtu hrem theih a nih dan te a sawifiah bawk.

Professor Dr Deborshi De chuan ei leh in siamtu leh zuartuten he training hi an paltlang ngei ngei a ngaih thute, eisiamna atana a siamtu te invawn fai a pawimawh thu te, India ramah ei leh in siamna hmanrua leh a siamtute invawn felfai loh avanga mipuiin natna an kai theih dan hrang hrang te a sawi a. Nitin eitur zawrh chuah leh mahni inlam a ei siam dan dik lo tih dik dante a sawifiah bawk a. Eitur siamna hmanrua hman nawn fo avanga natna awm neih theih dante, chu'ng chuan zawi zawi a mihring taksa a tihchhiat theih dan practical-in zirtirna a pe bawk a ni.

He training-ah hian Khawzawl khawchhung Street Vendor leh Self Help Group atangin mi 80 an tel a. Training a tel zawng zawngte hi central sorkarin in FOSTAC Certificate a pe dawn a ni. Food Safety and Standard Authority of India hnuaiiah inziaklut nghal niin, inziaklut thar mi 20 hnenah FSSAI license pek an ni bawk. Chawhnu inkhawmah Street Vendors awareness campaign buatsaih a ni a, la inziaklut ve lote in inziaklutna tur a hriattir na hun hman nghal a ni.



PM KISAN UTSAV DIWAS

Nimin khan KVK leh DAO Khawzawl tangkawp buatsaihin KVK Training hall-ah PM KISAN UTSAV DIWAS hman a ni.

He hun hi Dr. Malsawmkimi Senior Scientist leh Head KVK Khawzawl in a kaihruai a, (Soil Science) Pi R. Vanlalduati, SMS in leilung him zawk leh hrisel zawk neih

theih na'n leitha inbuk tawka hman a pawimawhzia a sawi a, Pu Rambhuatsaiha SMS (Agronomy) in tunlaia sawrkar laipuiin kuthnathawktute hnena Awareness campaign a kalpui mekah ram leilung, buh leh bal chinna hmun te uluk leh him zawka enkawl a nih theih dan tur chungchang kalkhawmte hnenah a sawi bawk a ni.

Nimina kalkhawmte hi PM Kisan hnuaia inziak lut te an ni a. PM Kisan Samman Nidhi thawh 23-na, Prime Minister Pu Narendra Modi-a'n kuthnathawktu mi vaibelchhe 99 leh nuai 44 te hnena cheng vaibelchhe 1,880 a sem lai Live Telecast an thlir ho bawk ani.

